

FOR 1998-03-18 nr 287: Forskrift om politivedtekt, Granvin herad, Hordaland.

DATO: FOR-1998-03-18-287
DEPARTEMENT: PV (Politivedtekter)
AVD/DIR:
PUBLISERT: II 1998 193
IKRAFTTREDELSE: 1998-04-18
SIST-ENDRET: 2006-12-31 - sjå [LOV-2003-07-04-74-§32](#)
ENDRER: [FOR-1958-08-08-3902](#)
GJELDER FOR: Granvin herad, Hordaland
HJEMMEL: [LOV-1995-08-04-53-§14](#)
SYS-KODE: BG07b, D02
NÆRINGSKODE: 9121
KORTTITTEL: Forskrift om politivedtekt, Granvin
For å lenke til dette dokumentet bruk: <http://www.lovdata.no/cgi-wift/ldles?doc=/lf/lf/lf-19980318-0287.html>

INNHold

Forskrift om politivedtekt, Granvin herad, Hordaland.

Kapittel 1. Allmenne føresegner

- § 1. Offentleg stad
- § 2. Festar, brukar, leigar eller styrar av hus eller grunn

Kapittel 2. Orden på offentlig stad

- § 3. Ro og orden på offentlig stad
- § 4. Song og musikk, reklame m.m.
- § 5. Farleg eller skremmande verksemd

Kapittel 3. Sikring av ferdsla

- § 6. Hindringar
- § 7. Sport, leik
- § 8. Sperring av fortau m.v.
- § 9. Sprengingsarbeid
- § 10. Diverse arbeid
- § 11. Vedlikehald av bygningar m.v.
- § 12. Avvisarar
- § 13. Fjerning av sperrar
- § 14. Ferdsle på frose vatn eller sjø

Kapittel 4. Reinhold på offentlig stad

- § 15. Fortau m.v.
- § 16. Snøfall og takras
- § 17. Strøplikt
- § 18. Avløp for vatn

Kapittel 5. Hindre tilgrising

- § 19. Hindre tilgrising o.l.
- § 20. Avfall

Kapittel 6. Offentlege anlegg

- § 21. Kyrkjegard

Kapittel 7. Dyr

- § 22. Husdyr m.m.
- § 23. (Opphevd 31 des 2006 - sjå lov 4 juli 2003 nr. 74 § 32, jf. lov 4 aug 1995 nr. 53 § 14 første ledd nr. 1 2. punktum).
- § 24. (Opphevd 31 des 2006 - sjå lov 4 juli 2003 nr. 74 § 32, jf. lov 4 aug 1995 nr. 53 § 14 første ledd nr. 1 2. punktum).

Kapittel 8. Arrangement på offentlig stad m.v.

- § 25. Søknadsplikt for arrangement på offentlig stad
- § 26. Meldeplikt for allment tilgjengelege arrangement utanfor offentlig stad m.m.

Kapittel 9. Born

- § 27. Offentleg dans e.l.

Kapittel 10. Ymse føresegner

- § 28. Forsøming av plikt
- § 29. Straff
- § 30. Iverksetjing

Forskrift om politivedtekt, Granvin herad, Hordaland.

Fastsett av Granvin heradstyre 23. september 1997 med heimel i lov 4. august 1995 nr. 53 om politiet § 14. Stadfesta av Justis- og politidepartementet 18. mars 1998. Endra 31 des 2006 - sjå lov 4 juli 2003 nr. 74 § 32.

Kapittel 1. Allmenne føresegner

§ 1. Offentleg stad

Med offentlig stad er i denne vedtekta meint gate, veg, her medrekna fortau, stig, park, torg e.l., plass, bru, bryggje, kai, strand, anlegg eller annan stad der det er allmenn ferdsle eller som er bestemt for allmenn ferdsle.

§ 2. Festar, brukar, leigar eller styrar av hus eller grunn

Dei plikter som er lagd på eigar av hus eller grunn kviler også på den som festar, brukar, leiger eller styrer hus eller grunn.

Kapittel 2. Orden på offentlig stad

§ 3. Ro og orden på offentlig stad

På eller like attmed offentlig stad må ingen ta del i opplau eller samanstimling, eller laga larm eller bråk som skiljar den allmenne ro og orden eller ferdsla.

Når mange menneske samlar seg nær inngang til forsamlingslokale, sports plass, utsalsstad, haldeplass e.l., skal dei stå i kø og elles rette seg etter dei pålegg som politiet eller arrangøren gjev for å halde oppe den allmenne orden eller for å regulere ferdsla.

§ 4. Song og musikk, reklame m.m.

Den som på eller ut mot offentlig stad vil føre fram song eller musikk, skipa til framsyning eller gjere bruk av høgtalar, må på førehand gje melding til politiet.

Det same gjeld den som på eller nær offentlig stad ynskjer å dele ut eller spreie opprop, lysingar, reklame e.l., eller bruke gåande, køyrande eller flygande reklame.

Politiлова § 11 gjeld tilsvarande.

§ 5. Farleg eller skremmande verksemd

På, ut over eller like attmed offentlig stad er det forbode:

1. å skyta med gevær eller anna skytevåpen eller med boge, sprettert e.l.,
2. å brenne av krutt, fyrverkeri eller sprengstoff utan at politiet har gjeve løyve,
3. å kaste eller sleppe stein, snøball eller anna som kan vere til skade eller ulempe for dei som ferdast der.

Det er forbode å bere ladd skytevåpen på offentlig stad.

Kapittel 3. Sikring av ferdsla

§ 6. Hindringar

På eller ut over offentlig stad er det forbode å setje eller hengje noko som kan vere til hinder eller ulempe for ferdsla.

Markiser skal vere festa så høgt at underkanten minst er 2,50 m over bakken og må ikkje gå ut over fortauskant.

§ 7. Sport, leik

Politiet kan sette forbod mot aking og andre former for sport, leik eller spel på bestemt offentlig stad der dette er påkravd av omsyn til ferdsla eller den allmenne orden.

§ 8. Sperring av fortau m.v.

Krev byggjearbeid e.l. at gate, veg eller annan offentlig stad vert heilt eller delvis sperra for ei avgrensa tid, lyt ein på førehand søkje løyve av politiet. Politiet kan setje nærare vilkår for løyvet.

§ 9. Sprengingsarbeid

Sprenging på eller like attmed offentlig stad skal meldast til politiet på førehand. Politiet kan krevje særlege tryggingstiltak.

§ 10. Diverse arbeid

Reising, riving, vøling av bygning, graving eller anna arbeid på eller ut mot offentlig stad der det kan bli fare for ferdsla, skal på førehand meldast til politiet. Politiet kan fastsette korleis arbeidsstaden skal sperrast og krevje andre tryggingstiltak til vern for publikum.

§ 11. Vedlikehald av bygningar m.v.

Ved vedlikehald av bygningar m.v. på eller ut mot offentlig stad pliktar den ansvarlege for arbeidet å setje opp avvisarar som gjer det tydeleg at det er farleg eller til ulempe å ferdast der.

§ 12. Avvisarar

Når det er fare for at snø eller is kan falle ned frå hustak mot offentlig stad, skal eigaren straks sette opp avvisarar som gjer det tydeleg at det er farleg å ferdast der, og snarast syte for at taket blir rydda.

§ 13. Fjerning av sperrar

Sperringar, avvisarar, stigar e.l. må takast bort når arbeid som nemnt i §§ 9, 10 og 11 er gjort eller når faren som er nemnt i § 12 ikkje lenger er til stades.

§ 14. Ferdsle på frose vatn eller sjø

Politiet kan av tryggingssgrunnar sette forbod mot eller gje regulerande føresegner for ferdsla på vatn eller sjø som er frose.

Kapittel 4. Reinhold på offentlig stad

§ 15. Fortau m.v.

Eigar av hus eller grunn mot offentleg stad pliktar å halde reint fortau og rennestein i samsvar med lokal sedvane og gjere reine lys- og luftegraver som er knytta til eigedomen.

Reinhaldet skal gjerast slik at det vert til minst moglege ulempe.

Oppsop e.l. må ikkje leggjast i kloakksluk.

§ 16. Snøfall og takras

Eigar av hus eller grunn mot offentleg stad pliktar å rydde fortau utfor eigedomen for snø og is etter snøfall og takras. Snø etter takras kan krevjast fjerna sjølv om lokal sedvane ikkje ligg føre.

§ 17. Strøplikt

Eigar av hus eller grunn mot offentleg stad pliktar i samsvar med lokal sedvane å strø fortau utfor eigedomen når det er glatt.

§ 18. Avløp for vatn

Eigar av hus eller grunn mot offentleg stad skal sørge for at avløp for vatn i fortau, rennestein, grøft e.l. vert halde ope.

Kapittel 5. Hindre tilgrising**§ 19. Hindre tilgrising o.l.**

På, ut over eller like attmed offentleg stad er det forbode:

1. å kaste eller leggje frå seg glas, flasker, spikar, papir, fruktskal eller anna avfall,
2. å grise til med måling, tusj, sprayprodukt e.l. på noko overflate mot offentleg stad, under dette på eller ved bygning, gate, veg, park, anlegg, innretningar og framkomstmiddel,
3. å henge opp kunngjeringar, plakatar, e.l. utan at politiet har tillete dette.
 Dette gjeld likevel ikkje oppslag på tavler e.l. som heradet har godkjent til slikt bruk, eller oppslag på eigedom om tilhøve som berre høyrer eigedomen til eller næringsverksemda til dei som bur der.
 Det er forbode å rive, skade eller skjemme oppslag som er lovleg sett opp.
 Oppslag skal fjernast når dei er forelda.
4. å urinere.

§ 20. Avfall

Den som driv med sal frå portrom, kiosk e.l., eller som driv anna liknande næringsverksemd på eller ut mot offentleg stad, skal syte for at området ikkje vert skjemt eller skitna til av verksemda og pliktar å syte for at det blir sett opp mange nok korgar for papir og avfall.

Den som arrangerer tilstelling på offentleg stad, skal syte for at papir og anna avfall blir fjerna etter arrangementet.

Kapittel 6. Offentlege anlegg**§ 21. Kyrkjegard**

På kyrkjegard er det forbode å sykle, ake eller å drive sport, leik eller anna som ikkje sømer seg der.

Det er forbode å trengje seg inn på kyrkjegard når den er stengd for besøk.

0 Endra 31 des 2006 - sjå lov 4 juli 2003 nr. 74 § 32, jf. lov 4 aug 1995 nr. 53 § 14 første ledd nr. 1 2. punktum.

Kapittel 7. Dyr**§ 22. Husdyr m.m.**

Med unntak av dyr i utmarksbeite er det forbode å la hest, storfe, sau eller geit gå laus på eller ved offentleg stad utan forsvarleg tilsyn.

Sirkusdyr eller ville dyr må ikkje førast på offentleg stad utan løyve frå politiet.

§ 23. (Opphevd 31 des 2006 - sjå lov 4 juli 2003 nr. 74 § 32, jf. lov 4 aug 1995 nr. 53 § 14 første ledd nr. 1 2. punktum).

§ 24. (Opphevd 31 des 2006 - sjå lov 4 juli 2003 nr. 74 § 32, jf. lov 4 aug 1995 nr. 53 § 14 første ledd nr. 1 2. punktum).

Kapittel 8. Arrangement på offentleg stad m.v.**§ 25. Søknadsplikt for arrangement på offentleg stad**

Den som på offentleg stad vil lage til arrangement som hovedsakleg er av underhaldande, kunstnerisk, selskapeleg eller kommersielt slag, som har ein storleik som openbert vil føre til behov for omfattande reguleringar av ferdsla eller vakthald, må søkje politiet om dette seinast ei veke før arrangementet.

Politilova § 11 gjeld tilsvarende.

§ 26. Meldeplikt for allment tilgjengelege arrangement utanfor offentleg stad m.m.

Den som vil lage til eit arrangement som er allment tilgjengeleg, må senda melding i god tid, seinast innan ei veke, til politiet. Dette skal gjerast sjølv om arrangementet ikkje går føre seg på offentleg stad, når det er truleg at det vert naudsynt med polititilsyn for å sikre ro og orden eller avvikling av trafikken på grunn av storleiken på eller karakteren av arrangementet.

Plikt til å melde frå gjeld òg samkome med dans eller anna tilstelning som vesentleg er av selskapeleg eller underhaldande art

for medlemmer av ei foreining eller liknande samanslutning. Politilova § 11 gjeld tilsvarande.

Kapittel 9. Born

§ 27. Offentleg dans e.l.

Born under 15 år har ikkje tilgjenge til offentleg dans eller liknande allment tilgjengeleg tilstelling utan at dei er saman med foreldre eller andre føresette.

Kapittel 10. Ymse føresegner

§ 28. Forsøming av plikt

Forsømer nokon å utføre det vedkomande har plikt til etter vedtekta eller etter pålegg gjeve med heimel i vedtekta, kan politiet på vegne av vedkomande setje dette i verk. Den som har forsømt pliktene må dekkje utgiftene.

§ 29. Straff

Brot på vedtekta eller pålegg gjeve i medhald av vedtekta, vert straffa etter politilova § 30 nr. 4, om ikkje tilhøvet kjem inn under strengare straffepåbod.

§ 30. Iverksetjing

Denne vedtekta tek til å gjelde 1 månad etter at ho er stadfest av Justis- og politidepartementet. Forskrift av 8. august 1958 nr. 3902 om politivedtekt for Granvin herad, Hordaland fell bort frå same tid.

Databasen sist oppdatert 29. apr 2009